



23-01-2019

Inatsisartut suleriaasianni § 37 imm.1. naapertorlugu Naalakkersuisut apeqqut imaattoq matumuuna saqqummiuppara:

Naalakkersuisut apeqqut:

- 1. Naalakkersuisoq sorleq Namminersorlutik Oqartussat aqqani atorfininnermut inatsisit malittarisassallu malinnissaannut akisussaanerpaatut inissisimava? Naalakkersuisut Naalakkersuisoqarfiillu immikkut periuseqarpata ataasiakkaarlugit taakkartoqquneqarput.**
- 2. Namminersorlutik Oqartussat aqqani atorfinitsitsisarnerit pillugit kaajallaassitaq 1. oktober 2017-imi atuutilersoq malillugu, Naalakkersuisut qanoq kaajallaassitap sutigit tamatigit malinneqarnera qulakkeertarpaat? Apeqqut una immikkoorluni allamut ilanngunnagu akeqquneqarpoq.**
- 3. Inatsit Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27 30. oktober 1992-imeersoq aallaavigalugu - ilaatigut Kalaallit Nunaanni inunnorsimanissaq, ukiuni aalajangersimasuni najugaqarsimanissaq il. il. piunasaqaataasut - suliffissamut salliunneqartussat pillugit inatsip malinneqarnissaa Naalakkersuisut qanoq nakkutiginnippat? Naalakkersuisut periuserisaminnut takussutissaqarnissamut peqquneqarput.**
- 4. Inatsit apeqqut 3-mi taaneqartoq najoqqutaralugu, ukiut kingulliit tallimani (5) inatsisaasup qanoq malinneqarnermaneranut malinneqanngissimaneranulluunniit takussutissartaqarpa? Malinneqarneranut nakkutilleeriaaseq taakkartoqquneqarpoq, malinneqarsimanngippallu qassit ingerlatsivik sorlermiinneranullu unioqutissimaneranut taakkartoqquneqarput.**
- 5. Naalakkersuisoqarfiit tamani atorfininnermut malittarisassat - ilaatigut kaajallaassitami oktober 2017-imi taaneqartut Kalaallisut oqalussinnaanissaq, Kalaallillu piorsarsimassusaannik inuiaqatigiianillu ilisimasaqarnissaa piunasaqaataasut - sutigit tamatigit maannamut malinneqarneri takussutissalimmik qulakkeerneqarsinnaappat? Taamaappat periuserisartakkat takuteqquneqarput.**
- 6. Atorfininnermut periutsit naammaginatutut Naalakkersuisut isigaat? Naalakkersuisut allatut pilersaaruteqarunik taakkartoqquneqarput.**
- 7. Naalakkersuisut, atorfiup suussusaa apeqqutaatinnagu, Kalaallit Nunaanni najugaqarlutik innuttaasut, inatsisitigut salliunneqartuarnissaat isumaqatigaat? Apeqqut toqqaannarluni ersarissaq, ersarissumik akeqquneqarpoq.**

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536



partii naleraq

(Inatsisartunut ilaasorta, Pele Broberg, Partii Naleraq)

Tungavilersuut:

Inatsisunik malittarisassanillu pioreersoqaqaaq. Taamaakkaluatorli ataatsimoortumik atorfinitsitsinermut politikkimik peqarpassigani. Taamaammatt atorfinitsitsinermut pioreerlutik toqqammaviusuusut malinneqarsimanersut paaserusunnarput.

Inatsisartunut ilaasorta Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinaleraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536